



Празднование
Пресвятей Владычицы нашей
Богородицы и
Приснодевы Марии
ради иконы Ея, нарицаемая
«Казанская»,
яко в сей день
предстательством Ея бысть
прославлен преподобный и
богочестный отец наш Иона.
Память же сия творится
октября в дванадесят
вторый день

**Празднование Пресвятей Владычицы нашей Богородицы и Приснодевы Марии ради иконы Ея, нарицаемая «Казанская», яко в сый день предстательством Ея бысть прославлен преподобный и богоносный отец наш Иона. Память же сия творится октября в дванадцят второй день
НА ВЕЛИЦЕЙ ВЕЧЕРНИ.**

1-й антифон 1-й кафисмы. На Господи воззвах поставим стихов 8 и поем стихиры Богородице: Глас 8.

Высокий Царю Непостижимый, со Отцем седяи на престоле и Божественным Духом, благоволивый родитися на земли от Девы Неискусобрачная, Иисусе, ущедряя Твое создание, человеческое естество, неизреченными добротами, прими Твоей Матере приносимыя Тебе за ны молитвы и не помяни беззаконий наших, но помилуй и спаси души наша, яко Милосерд.

Приклонив Небеса, Царь Славы сниде обновити Адама, преступлением всего истлевшаго, вселися в Тя, Чистая Деве, и родися, ключей девства не рушив, и на руках Твоих смирен Младенец, Иже Архангелов Царь ношашеся; и ныне Твою молитву приемлет и прошение Твое во всем исполняет, Богородице, яко Твой Сын и Бог, Ему же усердно молися: да спасет души наша, яко Милосерд.

Паче скинии Моисеевы, по образу Небесному сотворенная, всю Тя Бог освяти, Богородице, Духом Святым, весь вселися в Тя, всего человека оживи. Тем и твоя икона, паче Аарона кивота, наполнися благодати Божия и источает освящение душам и телесем. Ейже любезно поклоняющеся, просим от Тебе великия милости: да спасеши души наша, Благословенная Помощнице.

Ины стихиры, Преподобнаго, глас 2.

Изшед от отечества твоего, преподобне отче Ионе, и града Киева дошед, тамо у мощей чудотворец на путь спасительнаго подвига благословение

приял еси, си́е ўбо и нам низпосли́, творя́щим все-
святую́ и пречестную́ па́мять твою́.

Обители Саровския достиг под криле Преподоб-
наго Серафима, и великий иску́с в послуша́нии
иноческих подвиго́в, преподобне́ отче Ио́но, с лю-
бовию приял еси́ и бра́тию твоим терпением и лю-
бовию удивил еси́. Моли́ спастися душам на́шим.

Наставлени́и Преподобнаго Серафима укрепля́-
емь, в пусты́нное ме́сто Белобере́жския обители
всели́лся еси́, отче, и та́мо моли́твенному по́двигу
кре́пко прилежа́ти потщился еси́, и явился еси́ дом
Пресвята́го Ду́ха, и лицезрени́я Го́спода и Пре-
святы́я Богородицы сподобился еси́. Моли́ Христа́
Бо́га о всех нас.

Ины. Глас 7.

Приидите, ве́рнии на святую́ го́ру Вы́дубицкую,
во обитель Свято-Тро́ицкую, идеже уго́дник Бо́-
жий подви́зася в житий своём и от си́лы в си́лу
восхожда́ше, и тому́ ны́не помóлимся, да во оби-
телях Небе́сных водворився, мо́лится ко Пресвя-
те́й Тро́ице о спасении́ душ на́ших.

Не мо́жет град укрь́тися верху́ горы́ стоя́, ты
же, преподобне́, аще и во скле́пе почива́еши не-
тле́нным те́лом твоим, обаче́ всех призыва́еши во
обитель Тро́ицкую на го́ру Вы́дубицкую све́тлаго
ра́ди пра́здника твоего́, моля́ Христа́ Бо́га спасти́-
ся душам на́шим.

Слава, и ны́не, глас 8.

Приидите, возра́дуемся держа́вней Засту́пнице ро́-
да на́шего, Цари́це Богородице, приидите к ти́хо-
му Ея́ чу́дному, почита́емому Ангелы́, честному́
поклонимся́ образу́. Да́рует бо Богородица ве́рным
обильны́я да́ры целе́бныя, от неисто́щимаго исто́-
чника́ святы́я ико́ны неоску́дную благода́ть исто́-
ча́ющи: тьмы́ избавля́ет нас искуше́ний и бед, и
всяка́го греха́, благоче́стно и Богоприя́тно просла-
вля́ющих и чту́щих све́тлую и чу́дную Богома́тере

святу́ю ико́ну. Тем, воспева́юще, воззовём Пер-
вообра́зней: ра́дуйся, любезная ми́ру по́моще во
спасение душ наших.

Вход. Прокимен дне. **И** чтения два Богородицы, а
святому еди́но.

Бытия чтение.

Изы́де Иа́ков от студенца́ кля́твен-
наго, и и́де в Харра́нь. И обрете́ ме́-
сто, и спа та́мо. За́йде бо со́лнце: и
взя́т от ка́менья ме́ста того́, и поло-
жи́ возгла́вие себе́, и спа на ме́сте
о́ном, и сон ви́де: И се ле́ствица ут-
вержде́на на землі́, ея́же глава́ до-
связа́ше до небес, и а́нгели Бо́жии вос-
хожда́ху и низхожда́ху по ней. Гос-
по́дь же утвержда́шеся на ней, и ре-
че́: Аз Бог Авра́амов отца́ твоего́, и
Бог Иса́ков, не бо́йся: земля́, иде́-
же ты спи́ши на ней, тебе́ дам ю́ и
се́мени твоему́. И бу́дет се́мя твоё́ я́ко
песо́к земный, и распро́странится на
мо́ре, и Ливу́, и се́вер, и на восто́ки:
и возблагословя́тся о тебе́ вся коле́-
на земна́я, и о се́мени твоём. И се
Аз с тобо́ю сохраня́яй ты на вся́ком
пути́, а́може а́ще по́йдеш: и возвра-
щу́ ты в зе́млю сию́, я́ко не има́м те-
бе́ оста́вити, до́ндеже сотвори́ти Ми
вся, ели́ка глаго́лах тебе́. И воста́ Иа́-
ков от сна своего́, и рече́: я́ко есть
Госпо́дь на ме́сте сем, аз же не ве́-
дех. И убо́яся, и рече́: я́ко стра́шно

мѣсто сие, несть сие, но дом Божий
и сия врата небесная.

Исхода чтение.

Вниде Моисей в гору Божию Хорив: явися же ему ангел Господень в пламени огненне из купины, и виде, яко купина горяше огнем, и купина не сгараше. Рече же Моисей: прешед узрю видение великое сие, что яко не сгарает купина? Якоже виде Господь, яко приступает видети, призвал его Господь, из купины глаголя: Моисее, Моисее. Он же рече: что есть? И рече: не приближися семо. Иззуй сапог от ног твоих: место бо, на немже ты стоиши, земля святая есть. И рече ему: аз есмь Бог отца твоего, Бог Авраамов, и Бог Исааков, и Бог Иаковль. Отврати же Моисей лице свое, стыдяше бо ся зрети пред Богом. Рече же Господь к Моисею: видя видех озлобление людей моих, иже во Египте, и вопль их услышах от насильствующих в делех. Вем бо болезнь их, и снидох еже изъяти их от руки египтян, и извести их от земли оныя, и ввести их в землю благу и многу, в землю точашу мед и млеко.

Премудрости Соломоновы чтение.

Праведных души в руке Божией, и

не прикоснется их му́ка: Непщевáни бы́ша во очесéх безумных умрети́, и вмени́ся озлоблени́е исход их: И е́же от нас шéствие сокру́шение, они́ же суть в ми́ре. Ибо пред лицéм челове́ческим, а́ще и му́ку прииму́т, упова́ние их безсме́ртня испóлнено: И вма́ле нака́зани бы́вшие, вели́кими благодéтельствовани б́дут, я́ко Бог иску́си я, и обрете́ их досто́йны Себе́. Я́ко зláто в горни́ле иску́си их, и я́ко всеплóдие жéртвенное прият я. И во врéмя посéщения их возсия́ют: и я́ко искры по стеблию́ потеку́т: Сýдят язы́ком, и облада́ют людьми́, и воцари́тся Господь в них во вéки. Наде́ющися Нань разуме́ют и́стину, и вéрнии в любви́ пребу́дут Ему́. Я́ко благодáть и мило́сть в преподóбных Его́, и посéщение во избра́нных Его́.

На Литии, глас 2.

Я́ко вои́стину дрéвняго киво́та пречестне́е, егда́ Дави́д, собра́в чины́, ликовствова́ше, ны́не Твоя́, Богороди́це, ико́на, ей́же предсто́ят архиере́ев собо́ри, и чинми́ Ангел священни́цы, и все христои́менитых люде́й мно́жество досто́йно блажа́т Тя, Ма́терь Бо́жию, и прославля́ют раболе́пно, и честву́ют, и покланя́ются, и мо́лятся Тебе́ по Бо́зе: да мир умири́ши в Правосла́вии, и Це́рковь утверди́ши, и спасе́ши от всех зол Твоя́ рабы́, я́ко еди́на Благослове́нная.

Предсто́ят Ти, Госпоже́ Богороди́це, пред твои́м, Пречи́стая, о́бразом архиере́ев сосло́вие и свя-

щённицы и вси лю́дие, мона́си и прости́и, ве́дуще Тя во́истинну Помо́щницу си́льну и непобеди́му, моле́ния Тебе́ приноси́ти от всея́ души́ подви́зают и поу́щают на моли́тву к Бо́гу, тре́бующе твоея́ по́мощи, да простре́ши Богоно́сныя Твоя́ ру́ки и умо́лиши за мир. Вонми́ и услы́ши, Влады́чице, и пода́ждь утеше́ние рабо́м Твои́м, до́ндеже не одоле́ют ны грехи́ на́ши тяжкия́ и лю́тыя: Твоея́ бо всегда́ тре́буем вси по́мощи.

Подоба́ше непоро́чно соблюде́нному преподо́бнаго де́вственному́ те́лу и нетле́нием ве́чным просла́вится: сие́ бо, добродете́льми свята́го она́го очища́емо, ещѐ жи́ву е́му́ сущу́, храм Свята́го Ду́ха бы́вает, и по преставле́нии е́го исто́чник чуде́сных дарова́ний явля́ется, имже со умиле́нием дивя́щеся, ко уго́днику вознесѐм моли́тву о спасе́нии душ на́ших.

Слава, глас 6.

Дивный во свята́х Госпо́дь в жити́и преподо́бнаго Ио́ны просла́вился, и по преставле́нии е́го нетле́нными мо́щами чудодѣ́йствует, и безчи́сленныя лю́ди ве́ровати и упова́ти на по́мощь небе́сную на́учает. Потщи́мся у́бо, о бра́тие, е́же еди́но на потре́бу иска́ти, и души́ на́ша пока́йнием очища́ти, преподо́бнаго в по́мощь призыва́юще, и в Тро́ице воспева́емаго Бо́га прославля́ти во ве́ки.

И ныне, глас 7.

Тебе́ вси ро́ди челове́честии хва́льныя да́ры прино́сят, Влады́чице, и мо́лятся я́ко Цари́це и Матери́ Бо́жии. Проро́цы Тя премудро́ пропове́даша, ле́вити благослови́ша, апо́столи и му́ченицы испове́даша, священни́цы поклоня́ются, архиере́е пропове́дают, мона́си и прости́и благоговѣ́ют, бога́тии и убо́зии, си́роты и вдовы́, и всяк во́зраст, и вся́ко преспе́яние, ста́рческое и младе́нческое, под кров Твой де́ржавный с ве́рою прибега́ем: покрый́ и соблюди́, Госпоже́, моли́твами Твои́ми и спаси́

от бед ду́ши на́ша.

На стиховне, глас 2.

Вместілище чістое Свѣта пречістаго, Богорóдице, кáко Тя, рабѣ, достóйно воспева́ем, я́ко явлѣнием пречістыя твоея́ ико́ны и Превѣчнаго Младенца́ вся освяща́еши.

Стих: Помяну́ имя́ Твое́ во вся́ком рóде и рóде.

Дѣво Несквѣрная, Богора́дованная, что Ти когдá таково́ благодарѣние принесѣм, я́ко блажѣннаго Твоего́ Рождества́ всесіяющею луче́ю всех от тлѣния к жи́зни возвелá еси́.

Стих: Слы́ши, Дщи́, и ви́ждь, и приклони́ у́хо Твое́.

Дѣво Госпожé, Мáти Зиждітелева, Небесных еси́ чинóв ра́дование и человѣческому рóду благословѣнная Помóщнице, моли́ о спасѣнии душ на́ших.

Слава, глас 6.

Преподóбне óтче, во всю зѣмлю изы́де вещáние исправлѣний твои́х, тѣмже на небесѣх обрѣл еси́ мзду трудóв твои́х: дѣмонская́ разорѣл еси́ пóлчища, и достѣгл еси́ чинóв Ангельских, ихже жити́ю непорóчно поревновáл еси́. Дерзновѣние имѣя ко Христу́ Бо́гу, мир испроси́ душáм на́шим.

И ныне, глас 5.

Воспоём, лю́дие, свѣтло Дави́дскую пѣснь Отрокови́це, Невѣсте́ Бо́жии и Мáтери Царя́ Христа: предста́ Цари́ца одесну́ю Тебѣ́, Влады́ко, рясны златы́ми одеяна́ и преукрашѣна́ Божѣственны́ми благолѣпотами. Сию́ ўбо́ я́ко избранну́ю и добрую́ в жена́х, пáче всего́ міра удобри́в, благоволи́л еси́ родитися́ из Нея́ вели́кия ра́ди мѣлости, и Сию́ Помóщницу лю́дем Твои́м даровал еси́ спаса́ти и покрывáти от бед всемогуще́ю Твое́ю и Божѣственною́ си́лою, Ея́же молитвами, Христе́ Бо́же, помѣлуй нас.

На благословении хлебов тропарь, глас 4, дважды:

Заступнице усердная,* Мати Господа Вышняго,* за всех молиши Сына Твоего Христа Бога нашего* и всем твориши спастися,* в державный Твой покров прибегающим.* Всех нас заступи, о Госпоже Царице и Владычице,* иже в напастех и скорбех, и в болезнях,* обремененных грехи многими,* предстоящих и молящихся Тебе* умиленною душею и сокрушенным сердцем,* пред пречистым Твоим образом со слезами,* и невозвратно надежду имущих на Тя* избавления всех зол.* Всем полезная даруй* и вся спаси, Богородице Дево:* Ты бо еси Божественный покров рабom Твоим.

И святому тропарь, глас 8, единожды:

Днесь возсия нам память твоя, славно,* яко солнце, светозарно лучами озаряющая мир* и тьму ноши злых духов от нас отгоняющая*. Днесь Небесныя силы святых Ангел* и души праведных мысленно торжествуют, радуются*. Днесь и мы, грешнии, припадающе, молимся*: отче преподобне Ионо,* Христа Бога моли непрестанно* спасти обитель Живоначальныя Троицы,* и град и люди, любезно тебе почитающия.

НА УТРЕНИ

На Бог Господь тропарь Богородицы, дважды. Слава, преподобному, **И** ныне, Богородицы.

По 1-м стихословии седальны, глас 3.

Людие благочестивии, правовернии собори христоименитии, приступите верно вси, Божественному припадающе Божия Матере образу: Тая бо исцеление болящим радостно подаёт, уязвляет же злославныя, яко стрелá от лука, нас всех веселит световидно и благодатию озаряет молитвами Своими.

Слава.

Всю Тя Бог освяти, Деву Добрую и Непорочную в женах, пророки прообразив честно, иереи благословив, во святая святых всели, Ангелом воспитá, с Небесé пищу хлеб подая. Сам же Преблагий, Единородное Бог Слово, вселися в Тя и плотию пройде из Тебé. Тёмже Ти поклоняемся и чтем, яко воистинну истинную сущую Богородицу.

И ныне, глас 4.

Да ликовствуёт светло верных все множество, рыдаёт же демонское воинство, видяще многоименныя сияющия праздники Божия Матере, улаждаему Божию Матерь Божественными песньми, идеже бо Богоприятно славится Преблагословенная Богородица Владычица, Богоизбранная Отроковица, неприязни падение, христианом же крепкое утверждение.

По 2-м стихословии седальны, глас 8.

В житий твоём, угодниче Христов, постом и труды тело твоё изнурил еси: сего ради по смерти твоей нетлением процветé и источник исцелений верным бывает. Моли прилежно Христа Бога спастися душам нашим.

Слава, и ныне, глас 4.

Всеблагословенная Богородице Владычице, Богоизбранная Отроковице, светлое пророческое событие, апостольская похвало, и мученическое исповедание и венче, Ангелы чтима и человеческими роды многопетая, и всего мира возделенная Помощница, избави рабы Твоя осуждения будущего и езера огненного, едина Благословенная.

Величания два, Богородицы и Святого.

По полиелеи седален, глас 8.

Пастырскую мудрость смиренномудрием стяжав, многим был еси учитель: монахам отец, и скорбящим утешитель, и молитвы Иисусовы неумолкающий орган. Темже мощей нетлением прослави Тя Мздовоздатель Господь, Егоже непрестанно моли прегрешений оставление даровати чтущим любовь святую память твою.

Слава, и ныне, глас 1.

Пречистая Твоя икона, Богородице Дево, врачевство всему миру духовное, к нейже прибегающе, Тебе поклоняемся и почитаем, и лобызаем, и чтем, исцелений благодать почерпающе от нея, и недуг телесных и душевных страстей Твоими молитвами свободждаемся.

Степенны 4 гласа, 1-й антифон.

Прокимен: **П**омяну имя Твое во всяком роде и роде.

Стих: **В**отрыгну сердце мое слово благо:

Евангелие Луки зачало 4.

По 50-м псалме: **С**лава, **М**олитвами преподобного отца нашего Ионы:, **И** ныне, **М**олитвами Пресвятыя Богородицы:.

Стихира глас 6:

♦ Всепѣтая Мати,* умилосердися на молѣние наше,* Твое бо есмы достояние,* всех спаси и помилуй,* да Тя вси рѣди непрестанно величаем.

Канон Богородицы, глас 4.

Ирмос: *Отверзу уста моя:*

Благоговѣют Ти, Богородице, Ангелов начальницы, и святых чини честно служат, праведнии красуются. Небесных Ходатаицу блажат Тя. Купно же и земля и Небо в веселии светло восхваляют Тя, и мы, грешнии, милости просим: озари наша сердца, Владычице, воспѣти песнь святых Твоея иконы явлению.

Приидите, соберитесь, христоименитии людие, умы тайно очистившися, во святую церковь Матере Христа Бога Нашего: источает бо нам неоскудно от святых иконы источник духовен, целебен душам и телом, песнь вопиющим: благословен из Тебе рождѣйся Бог наш.

Дивит, Пренепорочная, и ужасает всяк слух странно чудо Божественнаго Твоего Рождества: како Херувимскаго Творца зачала еси; како Огнь нестерпимый во утробе носила еси; како Сущую Жизнь плотию облекла еси и Живот всему миру родила еси, Бога купно и человека.

Под кров Твой, Дѣво Госпожѣ, прибегаем вси рѣди человечести: просвети ны светом Рождества Твоего, грешныя рабы Твоя, молящися прилежно и кланяющися пречистой Твоей иконе, просяще от Тебе пріяти великия милости.

Ин канон, Преподобнаго, глас 8.

Ирмос: *Колесницегонителя фараоня:*

Христа нас ради волею смирившася, даже до

ра́бия о́браза подража́в, возлюбил еси́ смире́ние, и зельным бде́нием и моли́твами, душегубныя стра́сти умертвив, на го́ру безстра́стия возше́л еси́, Ионо пребогате.

Яко свети́льник све́та, твою́ ду́шу слезными пото́ки украша́я, и друго́го Исаа́ка подобно сам себе́ вознесл еси́, Преподо́бне, и се́рдце твоё Бо́гу поже́рл еси́.

Весь от ю́ности Бо́гу освяти́лся еси́, к Немю́ добродетельми приближа́ясь: тле́нная бо я́же на землі оста́вив, небе́сное обре́л еси́ бога́тство.

Богородичен: **З**ако́нов кроме́ естество́нных роди́л еси́ Законода́вца Бо́га и Челове́ка бывша, Того́ я́ко блага́ моли́, Всенепоро́чная, на́ша беззако́ния презре́ти, вопию́щих всегда́: поим Го́споду, сла́вно бо просла́вился.

Катавасия: *Отверзу уста моя:*

Песнь 3

Ирмос: *Твоя песнословцы:*

Кюю́ Ти досто́йную похвалу́ на́ше принесёт ко́нечное немо́жение, я́ко явлéнием пречисты́я Твое́я Божество́нныя ико́ны незави́стныя исто́чники це́лебныя исто́чаеши ве́рно прибега́ющим к Тебе́ рабо́м Твои́м.

Божество́нныя Твое́я ико́ны свято́е явлéние, Богороди́це Де́во, я́ко светоза́рное возсия́ нам со́лнце, пресла́вных чуде́с лучи́ пу́щающи, тьмы́ лю́тых обстоя́ний отгоня́ющи священными́ Твои́ми, Влады́чице, предста́тельства.

Исполни́ла еси́ благода́ти ино́гда первопи́санную Твою́ ико́ну, Госпоже́ Де́во Богороди́це, и ны́не та же благода́ть и́стинствует сия́нием ве́ры чуде́с, я́ко тоя́ ра́ди первопи́санныя, ко спасéнию ве́рно к Тебе́ по Бо́зе прибега́ющим.

Покля́емся, Богороди́це, Твое́му́ пречистому́ о́бразу и пресла́дкому́ Твое́му́ Младенцу́, превече́-

ному и незаходімому Свѣту, Христу́, Имже спасла́ еси́ от лю́тых зол и тлѣнія смѣртнаго все чело́вѣческое естество́.

Ин.

Ирмос: *Утвержей в начале:*

Благіх образ тебе́ дав твоім ученико́м, и привлѣк еси́ мно́ги ду́ши во спасѣние, отлучившихся земна́го пристра́стия, ѿже утешѣнія уллучіша райскаго наслаждѣнія.

Яко добропло́дная ма́слина в дому́ Божии, блаженне, процвѣл еси́, и елеем умаща́я ду́ши, любвию́ тя пою́щих, преблаженне Ио́но, и ве́рою Христу́ вопио́щих: несть свят па́че Тебе́, Человеколю́бче.

Стра́сти душетлѣнныя успіл еси́ бо́дренными бде́нии, блаженне: и сих ради в черто́г небесный вселился еси́, приѣм Богомудре Ио́но, благода́ть исцелѣній.

Богородичен: **Х**ерувімов и Серафімов превы́шши явилася еси́, Богородице: Ты бо едина́ прияла еси́ невместимаго Бо́га во чре́ве Твоѣм, нескверная. Те́мже Тя вси ве́рнии пѣсньми, Чистая, уболажа́ем.

Кондак Преподобнаго, глас 8.

Яко безплотным равножи́тель всех преподо́бных превзошел еси́ по́стническими труды́ и бде́нии моли́твенными, мудре Ио́но, тем восприял еси́ от Бо́га исцеліти недуги́ и прогони́ти бѣсы и того́ ради вопріѣм ти: раду́йся, о́тче преподо́бне Ио́но.

Седален, глас 4. Подобен: **В**ознесыйся:

Яко воистинну тлѣнных оста́вив нестоя́нное, Христу́ от ду́ши последовал еси́, и болѣзнями и труды́ и зѣльным воздержаніем, яко безплотен пожив, преблаженне Ио́но: моли́ Христа́ Бо́га, спастися ду́шам на́шим.

Слава, и ныне, глас 8.

Божественнии Сло́ва апостоли, Евангелія Христо́ва велегласнии вселенныя благовестницы, Божественную Церковь создавше в пресвятое Твое́ имя, Богородице, и к Тебе́, Госпоже́, приходят, моляще Тя приити́ на тоя́ освящение. Ты же, о Богомати, рекла́ еси́: идите с миром, и аз с вами тамо́ есмь. Они́ же, шедше, обретают тамо́ на стёне́ цёркве Твоего́, Владычице, образа, подобие, Божественною́ писано́ силою шаровными подобии, и, видевше, поклони́шася Ти и прослави́ша Бо́га. С ними́ же и мы Божественней твое́й поклоня́емся ико́не, просяще от Тебе́ вели́кия мило́сти: да́руй согрешений оставление рабо́м Твои́м, Еди́на Благословенная.

Песнь 4

Ирмос: *Седя́й в славе:*

Почти́м, лю́дие, Чи́стыя в чистоте́ ико́ну Девы́ Богородицы и То́я Божественнаго Младенца́, Христа́ Бо́га на́шего, и лобыза́ем и прославля́ем со стра́хом и трепетом: почита́ем бо ико́ну благоче́стно, па́че же почита́ем Са́мую Ту́ю су́щую Чи́стую Богома́терь.

Давид, Божественный и чу́дный проро́к, изда́леча прови́дя, глаго́ла: лицу́ Твоему́ помолѣтся бога́тии лю́дстии. Мы же, ве́рнии, поклоня́емся и лобыза́ем честну́ю ико́ну, душа́ми купно́ и телесы́ освяща́ем.

Евангелія Христо́ва Богогласный́ списатель́ Лука́ Божии́м мановением всенепоро́чный Твой на́писует о́браз, Богородице, и Младенца́ Превечна́го на рука́х Твои́х вообразив, к нему́ же притека́ющия напáстей и бед избавля́еши, и вся покрыва́еши, и спаса́еши Твое́ю мило́стию.

Ты еси́ похвало́ и вене́ц святы́м всем, о Цари́це! Ты упова́ние на́ше и Помо́щница по Бо́зе, и на Тя наде́жду спасения́ на́шего возложи́хом вси. Тебе́

мо́лимся я́ко Бо́жии Ма́тере: одожди́ грѣшным ра-
бо́м Твои́м богаты́я Твоя́ душеспаси́тельныя ми-
лости.

Ин.

Ирмос: Ты моя крепость:

Ду́ха Пресвята́го храм, о́тче, был еси́, и жи́з-
ненных вод река́ исполняема, основа́ние непоко-
лебимо́ Цѣркве, мона́шествующих утвержде́ние,
Ио́но досточудне.

Проро́чески слѣзными ка́плями на всяк день по-
стѣло омоча́я, Ио́но сла́вне, до́ндеже до конца́ стра-
сте́й пучи́ну изсуши́л еси́: те́мже па́мять твою́ по-
чита́ем, присночестну́ю и свяще́нную.

Лице́ Христо́во лицѣм, Преподо́бне Ио́но, зрѣти
сподобился еси́, зерка́лом войсти́нну разрѣшшим-
ся: си́е бо и от ми́ра отлучи́ тя к возлю́бленному
желáнию.

Богородичен: Очище́ние на́ших да́руй невѣде-
ний, я́ко безгрѣшен, и умири́ мир Твой, Бо́же,
моли́твами Ро́ждшия Тя.

Песнь 5

Ирмос: Ужасошася всяческая:

Вся́ко, Пречи́стая, существо́ воспѣти недоуме́ет
Тя, па́че бо Го́рних умов превозвы́силася еси́, ро́ж-
дши непристу́пнаго и стра́шнаго Всеца́ря и Бо́га,
но, я́ко Ми́лостива и ско́рая челове́ком Помо́щни-
ца, вонми́ моле́нию раб твои́х и да́руй Твою́ по-
мо́щь.

Безочѣсным сла́дкое зрѣние даѣтся, глухи́м слы́-
шание, немы́м благоглаго́лание, хромы́м хо́жде-
ние, прокаже́нным очище́ние, де́монствуемым це-
ломудрие и в болѣзнях су́щим различных исцеле́-
ние осенением Пречи́стыя Твоея́, Богоро́дице, ико́-
ны.

Не умолчи́м никогда́же, Богоро́дице, псалмы́ и

пѣсньми воспевати величія Твоя, Обрадованная: Бѳга бо войстинну воплотившагося родила еси, во спасѣние наше всемирное и избавленіе.

Ин.

Ирмос: *Вскую мя отринул:*

В пощѣниях непреклонен пребыл еси, мудре, и до отшѣствия своего храня сие опасно, имже сподобился еси яве нетлѣннаго блаженства.

Остр ум имѣя к Бѳгу внимати, страсти душе-тлѣнныя успил еси, отче, и снопы благоплодія пожал еси, питаѣя благочѣстно восхваляющія тя, Преподобне отче Ионо.

Свѣтло житіе твоѣ, Преподобне Ионо, и извѣст-но всем концѣм явися, и Божѣственныя доброты исполнено, молитвами же и пощѣнми, и любовію, яже ко Христу Человеколюбцу.

Богородичен: **Т**я стѣну имуще, и заступленіем Твоим соблюдаеми, Твоею Божѣственною славою хвѣлящися, Тя ублажаем: Ты бо, Пречистая, душам нашим источаеши весѣлие и радование.

Песнь 6

Ирмос: *Божественное сие:*

Божѣственнаго Твоего Рождества, Дѣво Госпо-же, пребогатая благодать, юже древле изглаше-нием предала еси пречистому Твоему образу, не-оскудне дѣйствовати великая же и преславная во спасѣние на Тя надѣющимся.

Идѣже прославляется святѳе имя Обрадованная Богородицы, тамо всяческих благих источницы про-ливаются; приидите в чистотѣ, человецы, се бо явлѣние Божѣственныя Дѣвы иконы сказует Ца-рицы пришествіе во спасѣние всех верных.

Целѣния болѣзней, отгнаніе же страстей и ду-шепитательное спасѣние, грехов прощѣние и вѣч-ное избавленіе от пречистыя Твоея иконы, Вла-

дычице, вѣрно приходѣще, приѣмлем, Богомати Всенепорочная.

К Тебѣ, Госпожѣ, прибегаютъ рѣди правовѣрныхъ, просятъ великія мѣлости и приѣмлютъ неоскудно сущи въ недѣзехъ исцелѣніе, въ страстѣхъ пременѣніе, въ печалѣхъ утѣшеніе. Источѣи мнѣ, Владычице, каплю душеспасительную, да со всѣми и азъ пою Твое величіе.

Ин.

Ирмос: *Очисти мя, Спасе:*

Памѣть твою творѣщимъ священную, ѡтче, не престай моля Избавителя, даровати согрешеній оставленіе, и Небесное Царство воспріяти. Идѣже гласъ праздноующихъ веселитъ мя.

✦ Христѣ укрепляемъ, вся коварствія лукаваго, твѣрымъ умомъ, Иѡно, якоже сеть расторгнулъ еси, и пресвѣтло свѣтило мѣру, ѡтче, показалъ еси.

✦ Свѣтомъ Божественнымъ осияемъ, и со Ангелы нынѣ на небесѣхъ водворяяся, поминай вѣроую чтущихъ памѣть твою, Преподобне Иѡно приснопамятне.

Богородичен: **В**озвысила еси воистинну падшее человѣческое существо, иже образомъ Божественнымъ, и Отца равенствомъ, видимымъ Сыномъ неизменнымъ, Богомати, безъ семени во чреве поносивши.

Кондак, гласъ 8. **Подобен:** **Взбранной:**

Притецемъ, людіе, къ тихому сему и доброму пристанищу, скорой Помощнице, готовому и теплому спасенію, покрову Дѣвы, ускоримъ на молитву и потщимся на покаяніе: источаетъ бо намъ неоскудныя мѣлости Пречистая Богородица, предваряетъ на помощь и избавляетъ отъ великихъ бедъ и золъ блонравныя и Богобоящіяся рабы Своя.

Икос:

✦ Мыслъ очистивше и умъ, притецемъ къ Богородице,

свѣтло пѣсньми ублажающе Ю, и пречистую икону Ея прославляем и чтем, и, припадающе, покланяемся яко Самой сущей оной: честь бо иконы на Первообразное восходит, и почитаяй и покланяйся ей почитает самое Первообразное, якоже Божественный отцы рекша. И аще кто не чтет Пресвятая Богородицы и не покланяется иконе Ея, анафема да будет: посрамляет бо и погубляет не чтущия Ю, избавляет же от великих бед и зол благонравныя и Богобоящияся рабы Своя.

Песнь 7

Ирмос: *Не послужиша:*

Приидите, почерпем отпущение от неистощимаго источника, точащаго святину Пречистая Девы и Той Пречистаго Младенца, Божия Слова, нас ради вочеловечшагося. К Немю возопийм: Творче Избавителю, препрославленный со Отцем и Духом, Боже, благословен еси.

Неусыпную, Чистая, и Богоприятную имущи молитву, и непреодолеемую державу крепости, врагов наших дерзость, яже на ны, разорити и выи их под нозе верному народу нашему низложити, да возвеселимся о Тебе, раби, Сыну Твоему вопиюще: отец наших Боже, благословен еси.

Радуюемся и веселимся, вернии людие, чудному явлению иконы Пречистая Владычицы Богородицы: река бо явися неисчерпаема, целебную воду точащи, слепым бо видети дает и глухим слышание, хромым хождение и всем сущим в недужех безмездное исцеление.

Неиспытана глубина, неведомо таинство, непостижим образ, Дево, зачатия Твоего, зачатия без семени, без мужа рождество. Безплотный воплотися, Превечный младенствует, Сын Божий, Сын Тебе, Девы, бывает, Емуже вопиём: Боже, благословен еси.

Ин.

Ирмос: *Божия снизхождения:*

В пещи́ искуше́ния разжже́ния Божество́нная благода́ть ороси́ тя, Преподо́бне, и многосвѣтла Трои́ческим желáнием показá, зову́ща: благосло́вен Бог оте́ц на́ших.

Мир преоби́дев, сла́вне Ио́но, на земли́ я́ко безплóтен пожи́л еси́, и а́нгельским ликостоя́нием сподоби́лся еси́. Тем ты ве́рою почита́ем, досточу́дне.

В приста́нище ти́хое вше́д, Богому́дре, житей́ских пла́ваний отве́ргл еси́, и волну́ющимся житей́скими спаси́тельное окормле́ние был еси́, воспева́ющим: благосло́вен Бог оте́ц на́ших.

Богородичен: **Ж**езл прорасте́, Де́во, из ко́рене Иессее́ва всеблаже́нный плод, цвет нося́щи спаси́тельный, ве́рою Сы́ну Твоему́ вопию́щим: отце́в на́ших Бо́же благосло́вен еси́.

Песнь 8

Ирмос: *Отроки благочестивыя:*

Ум А́нгельский и челове́ческий ужа́сается, Богоро́дице, как Бо́га Небе́снаго ложесна́ми объе́мши, воплоти́ла еси́, ка́ко, Младенца́ ро́ждши, я́ко Сы́на на руку́ но́сиши Егóже ужа́сается тварь и трепещу́т Го́рнии Престо́ли, вопию́ще непреста́нно: Свят, Свят, Свят еси́, Бо́же, препе́тый и превозно́симый во ве́ки.

Ра́дуйся, су́щая ра́досте́ всего́ ми́ра, со Арха́нґелом Гаври́илом вопие́м Ти, Богоро́дице; ра́дуйся, вме́стилище́ Невме́стима́го; ра́дуйся, Благода́тная, носи́ло Божества́ всего́; ра́дуйся, Ада́мово воззва́ние, с Тобо́ю Госпо́дь, и Тебе́ ра́ди с на́ми, спаса́я нас, Егóже пое́м и превозно́сим во ве́ки.

Ко́рень Иессее́в освяще́нный, ко́рень греха́ на́шего исто́ргнула еси́; жезл Ааро́нов процвѣ́тший, Жизнода́теля цвѣ́та израсти́вши Христа́; ста́мно ма́нноприемная, сме́рти всю си́лу сокруши́ла еси́

и в поро́ду жи́зни возвела́ еси́ род челове́ческий: те́мже Тя поём, до́брых вино́вную.

Ты похвала́ христиа́ном еси́, Влады́чице, Ты ору́жие на враги́ и стена́ к Тебе́ прибега́ющим. Тя и ны́не на по́мощь призыва́ем, Госпоже́, не да́ждь враго́м вознесты́ся на лю́ди Твоя́, и́же тебе́ не хва́лят, ни Сы́на Твоего́, Богоро́дице, и Твое́й ико́не не кла́няются: сих победи́ и ду́ши на́ша спаси́.

Ин.

Ирмос: *Седмерицею пещь:*

Светоно́сный твой пра́здник, преблаже́нне Ио́но, испо́лни ра́дости и весели́я духо́внаго, благоуха́ния же и просвеще́ния, тя имущим засту́пника и пра́вило мона́шествующим.

Моли́твою непреста́нною к Бо́гу восте́кл еси́, и оттúду Трисо́лнечными сия́нии озари́лся еси́, на враги́ борения́ поста́вив, приводя́ постников собо́ры но́вым жити́ем, Христу́ вопио́щим: де́ти благослови́те, священни́цы воспо́йте, лю́дие превозносите́ Его́ во ве́ки.

Благословим Отца и Сына и Святаго Духа Господа.

В поще́ниях крèпкое, в моли́твах нелéностное терпéние во искуше́ниях, Ио́но, на земли́ показáл еси́, зовы́й: де́ти благослови́те, священни́цы воспо́йте, лю́дие превозносите́ Его́ во ве́ки.

Богородичен: Богороди́тельнице Чистая, ду́ши моея́ язвы грехо́вныя и собла́зны очисти, ко исто́чником примеша́ющи, я́же из ребр Рождества́ Твоего́, и́же от них поте́кшим струя́м: к Тебе́ бо взыва́ю, и к Тебе́ прибега́ю, и Тя призыва́ю, Богоблагодáтную.

Песнь 9

Ирмос: *Всяк земнородный:*

Тебе́, твёрдую Помо́щницу ро́ду челове́ческому,

Богородице Мари́е, лик проро́ческий многообра́зно провозвести́, сень святу́ю, Небес протра́ннейшую, скрижа́ль Богопи́санную и купину́ неопали́мую, дверь Богопрохо́дную, го́ру же и ле́ствицу, и мост, и жезл процвѣтши́й: мы же вои́стину Бого́родицу Тя велича́ем.

Та́йна глубины́ Рожде́ства Твоего́ ум Ангельский ужаса́ет, Де́во, и пречи́стая ико́на де́моны прогони́т, и лица́ нечести́вых омрача́ет, и в студ порева́ет: не терпят бо взира́ти на си́лу ея́, бе́гают же и исчеза́ют. Мы же любе́зно покланя́емся и лобыза́ем, и Тя, Богороди́цу, велича́ем.

Предста́тельница су́щи неотсту́пна к Вы́шнему Царю́, я́ко иму́щи ма́терне дерзнове́ние непосты́дно, в ми́ре глубо́це правосла́вных жити́е утверди́ и оте́чество на́ше возвы́си, и вся поле́зная да́руй всегда́ рабо́м Твои́м, да Тя, Богороди́це, велича́ем.

Всеми́лостивая христиа́ном Помо́щнице, не мо́жет Тя воспѣти досто́йно ум челове́ческий и Ангельский, я́ко всея́ тва́ри честне́йши, Небесных и земных сла́внейши: всех бо родила́ еси́ Творца́ и Бо́га, но, о Влады́чице, приими́ ми́лостивно ю́же Тебе́ от се́рдца возложихом песнь, спаса́й нас всегда́, на Тя бо наде́емся.

Ин.

Ирмос: *Ужасеся о сем небо:*

Светоявле́ния духо́внаго испо́лнен быв, Преподо́бне Ио́но, светильник сия́я изда́леча яви́лся еси́, словесны́я за́ри нам облистая́, и Пребоже́ственные Тро́ицы жили́ще показа́лся еси́.

Душетле́нныя стра́сти победи́в, я́ко па́стырь и́стинный упа́сл еси́ словесное Христо́во ста́до, е́же вы́ну благода́тию Ду́ха я́ко цветы райския пита́я, Преподо́бне.

Очи́сти на́ша согреше́ния, Сло́ве, и просвети́ очи́ се́рдечныя, е́же чи́сто зре́ти Твою́ свѣтлость Бо-

жѣственнаго светолїтїя, молитвами Твоего угодника Ио́ны, да Тя вси велича́ем.

Богородичен: Псалмы́ Тя воспева́ем, Обра́дованная, и немол́чно Ти, е́же ра́дуйся, вопи́ем: ты бо источи́ла еси́ всем ра́дование.

Светилен:

Процвѣл еси́, я́ко фїникс Давїдски, о́тче, и обитель яви́лся еси́ Ду́ха Всесвята́го, и́же сла́вна ты вселѣнной показа́, о нас непреста́нно Христа́ моли́, почита́ющих ве́рою пречестну́ю па́мь твою́, Преподо́бне Ио́но.

Слава, и ныне:

Да почтїтся Всепѣтая Ма́ти Бо́жия, Жизнь Су́щую ро́ждши, Христа́ Бо́га на́шего, райских двѣрей отверзѣние и всего́ ми́ра очищѣние, к животу́ возведѣние: Сей есть проро́ком глаго́лавый, Тому́ поклонимся, Бо́гу и Спа́су душ на́ших.

На хвалитех поставим стихов 6 и поем стихиры Богородице, глас 4:

Просла́вим, ве́рнии, Обра́дованную Богоро́дицу, па́че же во устех на́ших и́мамы всегда́ свято́е и благословѣнное и́мя Ея́, непреста́нно прибега́юще к пречїстей Ея́ и цельбоно́сней ико́не: то́ю бо обрета́ем я́же на земли́ вся́ бла́гая и полѣзная и су́щих на возду́се от де́монов запина́ний избавля́емся, я́ко Ма́ти, ро́ждшая всех Творца́, спасѣт от бед ду́ши на́ша.

Да рыда́ет вѣчно сонм злочестївых, не испове́дающих Тя в рождествѣ Чїстую Богороди́тельницу и не поклоня́ющихся пречїстей твое́й ико́не. Ве́рнии же лю́дие, ра́дующеся, испове́даем тя и́стинную Дѣву Богоро́дицу, я́ко вои́стину родила́ еси́ плоти́ю Христа́ Бо́га на́шего, тлѣние Ада́мово попра́ла еси́ и от греха́ весь мир очїсти́ла еси́, жизнь безконѣчную дарова́ла еси́, райский вход ве́рным отвѣрзла еси́ Божѣственным Твоимъ Рождествомъ;

Егѡже моли спастіся нам, поіющим вѣрно Твое таинство.

Радуется ѹбо и веселится неизреченною радостію все множество благочестивых: припадающе же поклоняются, вси благоговѣют Божіи Матери с боязнію, благодаряще Сію по Бѡзе яко Бѡга, толиких превеликих благ Ходатаицу, в няже желают Ангели приникнути, дарова Богородицею вѣрным Христѡс Бог наш, имѣяй премножество щедрѡт и великую пребогатую милость.

Ины стихиры, преподобнаго, глас 6.

Богонѡсе преблаженне ѡтче наш Ионо, міра красоты и сладоности временныя возненавидев, монашеское житіе возлюбил еси и Ангельскому лику сопричтался еси. Темже и светильник многосвѣтлый вселенней чудесы дивно сияеши. Моли ѹбо о нас, совершающих святую память твою, мы бо чада твоя и овцы словеснаго стада твоего, тебе на помощь призываем, просяще тобою прияти мир и велию милость.

Богонѡсе преблаженне Ионо, все плотское мудрование дѹху повинул еси, пощени и сокровенными подвиги очистився, яко злато в горниле искушено сияя явился еси, приятелище быв Дѹха Пресвятаго. Обитель же иноческую благоустрояя и храмы Божія благолепне украшая, добре овцы твоя словесныя упасл еси, учеными твоими якоже некоею лѣстницею на высоту добродетелей возводя. Поминай нас, чтущих память твою присносвященную, и моли спастіся душам нашим.

Возсия нам богоугѡдное житіе твое, преславне Ионо, поучая нас боголюбезным добродетелем, всем бо явил еси в себе подвигов иноческих и воздержанія зеркало, любви же и смиренія сокровище неистощимое. Темже чтуще святую память твою, тебе венчавшаго Христа прославляем, Егѡже моли о спасеніи душ наших.

Слава, глас 6. **П**одобен: **В**се отложше:

Восхва́лим днесъ пѣсньми чудотворца пресла́внаго, егѡже Христѡс Цѣркви Своѣй дарова, извествѣя и́стину вѣры на́шея правосла́вныя, ко обличѣнию сѹетная мѹдрствующих и ко вразумлѣнию заблужда́ющихя. Рáдуйся, Преподѡбне отче нашъ Ио́но, небесе́ церко́внаго звездѡ пресвѣтлая; рáдуйся, Мáтери градѡв рѹсскихъ чѹдная похвалѡ. Рáдуйся, всехъ болящихъ и скорбящихъ скѡрый и мѣлостивый утѣшителю; рáдуйся, тѣплый моли́твенниче о душа́хъ на́шихъ.

И ныне, глас 8.

Святáя Твоя́ и сообразная ико́на, Богородице Дѣво, благодáтию Твоею пребогáтый сѹщий истѡчник, кипящий всей подсолнечней и свѣтящий всему́ мѣру светолѹчными Святáго Дѹха сияньми и исцелений светлостью́. Ты бо Бѡга Сло́ва плѡтию нескáзанно родила́ еси́, от Архáнгела Гаври́ила сицевáя слы́шавши: рáдуйся, обрадованная, Господь с Тобо́ю, и Дух Святѣй осенит Тя к зачáтию. Та́коже рекла́ еси́ к первописанней Твое́й ико́не, на ту зря́щи: с то́ю Моя́ благодáть, и слѡво Твое́ со вла́стию ико́не бысть. И ѡ́браз, и гласъ и си́ла, и дѣло, и всякъ умъ превосходя́щая Божѣственная благодáть, спребывáющи вѣчно, зна́мения и чудеса́ непрестáнно содева́ет и душепо́лезное исцелѣние всемъ вѣрно приходя́щимъ пода́ет Тво́ими Богомáтерними непрестáнными к Бѡгу моли́твами.

Славословие великое. **Т**ропарь прежде святому, **С**лава, **И** ныне, Богородице.

Ектении и отпуст.

На всехъ часахъ тропарь Богородицы, **С**лава, Святому.

Кондаки же глаголи Богородице в часъ 1-й и 6-й, а Святому в 3-й и 9-й.

На Литургии Блаженна на 8: Богородицы канона

глас 4 песнь 3 на 4, и Преподобнаго канона глас 8 песнь 6 на 4.

На входе поем: Молитвами Богородицы.

По входе же тропарь Богородицы, и Святаго, Слава, Святаго кондак, И ныне, кондак Богородицы.

Прокимен глас 3 песнь Богородицы: **В**ели́чит душа́ моя́ Го́спода:, и Преподобнаго глас 7, **Ч**естна:.

Апостол, к Филиписием, 240 зач., и Преподобному к Галатом, 213 зач.

Евангелие, Лк 54 зач., и Мф 43 зач.

Причастен Богородицы и Преподобнаго.

МОЛИТВА

Земна́я звездó чудéсная, я́же от преде́л Кі́ева гра́да возсія́вшая, и све́щнице живы́й, и́же всю зéмлю Русі́ Святы́я свéтом правды́ Бо́жия осіява́яй, преді́вны́й в по́стницах уго́днице Бо́жий, о́тче Ио́но, преподо́бных у́бо радование, Це́ркве Ру́сския украше́ние, ве́ры Правосла́вныя крѣпкое утвержде́ние, ско́рый помо́щнице к тебе́ с ве́рою и любóвию притека́ющим и вели́кий пред Го́сподем о всех нас предста́телю! Приими́, преблаже́нне, моле́ния на́ша и умоли́ Христа́ Бо́га на́шего, я́ко да вси, тобо́ю невидимо охраня́еми и сою́зом бра́тския любве́ связу́еми, лю́дие словéнский в ми́ре пребыва́ют и благоче́стии, и да избавит их Госпо́дь от враг ви́димых и невидимых, от наше́ствия иноплеме́нник, от недуга́ и гла́да, от вся́кия ско́рби и вся́каго зла. Предста-

ящим же zde и молящимся пред честною ракою мощей твоих испроси, подобне, у Господа нашего Иисуса Христа вся, яже ко спасению прошения, да вси с тобою непрестанно прославляем всесвятое Имя Отца и Сына и Святаго Духа, ныне, и присно, и во веки веков.

Зри, яко сей праздник отдания не имеет.

Зри, аще праздник сей прилучится в субботу, и тогда поем в Воззвахи на И ныне Догмат отходящаго гласа, Богородице же стихиру поем на славу. А Святому стихира оставляется. И сим образом совершаем честь субботе.

Аще же праздник сей прилучится в Неделю, на Господи Воззвах поставим стихов 10 и поем: Воскресны приходящаго гласа 3, Восточну 1, Богородицы 3 глас 8, и святому 3 глас 2, а ины стихиры святому оставляем. Слава, святому, и ныне Догмат приходящаго гласа. Вход. Прокимен дне. И чтения Богородице 2 и Святому 1. На литии поем стихиру храма, и Богородицы 2, и Святаго 1, Слава, Святаго, и ныне, Богородице на ряду. На стиховне поставим воскресны стихиры настоящаго гласа, Слава, Святому, и ныне, Богородице. На благословении хлебов тропарь Богородице 2, и Святаго 1. На Бог Господь поем тропарь воскресен настоящаго гласа 2, Слава, Святаго, и ныне, Богородицы. По кафисмам седальны воскресны настоящаго гласа. Полиелей. Величания 2: Богородице и Святому без стихов. Тропари по Непорочнах. По полиелеи: Ипакои гла-

са, седален Святаго по полиелеи, Слава, и ныне, Седален по полиелеи Богородице. Степенны антифоны и Прокимен гласа. Евангелие воскресно от столпов. По 50-м псалме воскресно обычно. Каноны: воскресен и Богородицы и Святаго. Имеем обычай пети зде Воскресны 3 и Богородицы 3 и Святаго 4. Катавасия Отверзу уста:. По 3-й песни кондак и икос Богородицы, седален Святаго, Слава, и ныне, седален Богородицы. По 6-й песни кондак и икос воскресны настоящего гласа. На 9-й песни поем Песнь Богородицы и припеваем Честнейшую. По 9-й песни Свят Господь Бог наш настоящего гласа. Ексапостиларий воскресен от столпов, Слава, светлен Святаго, и ныне, Богородице. На Хвалитех поставим стихов 8 и поем стихиры воскресны настоящего гласа 4, и Богородицы 3, и Святаго славник 1, Слава, стихира евангельская от столпов, и ныне, Препоблагословенна. Славословие великое. По Трисвятом тропарь воскресен. На часах тропарь воскресен настоящего гласа, слава, Богородице и Святому пременяем. Кондаки Воскресен, Богородице и Святаго пременяюще. На Литургии Блаженна гласа 4 и Богородицы 3-й песни 4, и Святаго 6-й песни 4. По входе тропарь Воскресен гласа и Богородицы и Святаго. Кондаки Воскресен, слава, Святаго, и ныне, Богородицы. Прокимен воскресен и Богородицы. Апостол и Евангелие воскресны гласа и Святому Мф 10 под зачало, и Богородице Лк 54. Причастен воскресен и Богородицы. По отпусе — славление Святаго.

